

ՀԱԿՈՐ ՄԱՆԱՆԴՅԱՆ—Երկեր (Հրատ. պատրաստեցին Լ. Հ. Բաբայանը և Ռ. Ի. Մաթևոսյանը), հ. Ե, ՀՍՍՀ ԳԱ հրատարակչություն, Երևան, 1984, 615 էջ:

Ակադեմիկոս Հ. Մանանդյանի երկերի Ե հատորում զետեղված են Ուրարտուի և Հայաստանի պատմական աշխարհագրության ու շափաղիտական հուրքերի լուսաբանմանը նվիրված աշխատությունները: Դրանցում քննարկվում և լուսաբանվում են Հայաստանի և Ուրարտուի առանձին երկրներ, գավառներ, բնակավայրերի և կարևոր կայարանների տեղագրության, ինչպես նաև շափաղիտական հուրքերը: Մույն աշխատությունների գիտական նշանակությունը դուրս է դալիս հայագիտության շրջանակներից և անցնում ընդհանուր պատմագիտության հիշյալ պորբեմների ուսումնասիրության ոլորտը:

Հատորը ունի անձնանունների և տեղանունների, ինչպես նաև ցեղերի ու ժողովուրդների անվանացանկեր:

Մ. Ա. ՀԱՐՈՒԹՅՈՒՆՅԱՆ—Ապրելակերպ. Անճեավորություն. Գիտատեխնիկական հեղափոխություն (մեթոդաբանական ասպեկտ), ՀՍՍՀ ԳԱ հրատարակչություն, Երևան, 1984, 138 էջ:

Մարդու պորբեմատիկան զնալով ալելի մեծ տեղ է գրավում գիտության, տեխնիկայի ու արտադրության ոլորտներում տեղի ունեցող որակական տեղաշարժերի վերլուծության բնագավառում: Եվ դա հասկանալի է, քանի որ նոր մարդու ձևավորումը զարգացած սոցիալիզմի պրակտիկ խնդիրն է, որը օրգանապիս կապված է սոցիալիստական ապրելակերպի հետագա զարգացման հետ: Այս աշխատություն մեջ հեղինակը դիտարկել է նոր մարդու ձևավորման պրոցեսում գիտատեխնիկական հեղափոխության և սոցիալիստական ապրելակերպի փոխգործողության հասարակական մեխանիզմի բացահայտման մեթոդաբանական հարցերը: Գիրքը նախատեսված է սոցիալիստական տպրելակերպի կատարելագործման ու զարգացման պորբեմներով հետաքրքրվող մասնագետների, ինչպես նաև ընթերցող լայն շրջանների համար:

Գրքի պատասխանատու խմբագիրն է փիլիսոփայական գիտությունների դոկտոր Ս. Ս. Թովմասյանը:

Վ. Խ. ՀՈՎԱԿԻՄՅԱՆ—Գյուղացիական շարժումները Արևելյան Հայաստանում (1880—1890-ական թվականներ), ՀՍՍՀ ԳԱ հրատարակչություն, Երևան, 1984, 182 էջ:

Աշխատության մեջ Արևելյան Հայաստանի ետեմքոմյան սոցիալ-տնտեսական զարգացման ֆոնի վրա լուսաբանվում են XIX դ. վերջին քառորդի արևելահայ գյուղացիական շարժումների պատմությունը: Հեղինակը, հենվելով արխիվային նորահայտ նյութերի վրա, տվել է XIX դ. վերջի արևելահայ գյուղացիական շարժումների պատկերը: Գիրքն ունի ներածություն, շորս գլուխ, վերջաբան, ծանոթագրությունների և տեղանունների ցանկեր: Առաջին գլխում որբված է Արևելյան Հայաստանի սոցիալ-տնտեսական կյանքը XIX դ. վերջին քառորդում: Հաջորդ գլուխներում հեղինակը ցույց է տվել, որ գյուղացիության պայքարը մղվում էր երեք հիմնական ուղղություններով՝ պայքարը հողի համար, գյուղացիական մասսաների պայքարը ցարիզմի հարկային քաղաքականության դեմ և գյուղացիական ելույթները տեղական իշխանությունների դեմ: Գրքում հալասարապես լուսաբանվում են ինչպես պետական, այնպես էլ կալվածատիրական գյուղացիության դասակարգային պայքարի հարցերը:

Գրքի պատասխանատու խմբագիրն է ՀՍՍՀ ԳԱ ակադեմիկոս Գ. Ա. Գալոյանը:

Ե. Ե. ԱՎԱԳՅԱՆ—Ազգային եկամտի աճի գործոնները, ՀՍՍՀ ԳԱ հրատարակչություն, Երևան, 1984, 142 էջ:

Աշխատությունում ուսումնասիրվում են ազգային եկամտի արտադրության պորբեմները: Գրքի նպատակն է հասարակական աշխատանքի արտադրողականության բարձրացման, նյու-

բական ծախսերի տնտեսման և արտագրողական ոլորտում զբաղվածության ավելացման ուսումնասիրման հիման վրա բացահայտել այն օրինաչափությունները, որոնք պայմանավորում են ազգային եկամտի աճի տեմպերը զարգացած սոցիալիզմի պայմաններում: Գիրքը բաղկացած է երկու գլխից: Առաջին գլխում խոսվում է ազգային եկամտի արտագրության սրբորենների մասին, իսկ երկրորդը նվիրված է ազգային եկամտի աճի ինտենսիվ և էքստենսիվ զործոններին: Գիրքն ունի նաև ներածություն, եզրակացություն, հավելվածներ և օգտագործված գրականության ցանկ: Աշխատությունը նախատեսված է քաղաքատնտեսության հարցերով զբաղվողների համար:

Դրքի պատասխանատու խմբագիրն է տնտեսագիտության դոկտոր Վ. Ս. Ներկարյանը:

Վ. Ա. ՄԻՐՁՈՅԱՆ—Դիպառնիքներ կապի մեղադրանքներին և աշխատանքի ինտենսիվացման, ՀՍՄՀ ԳԱ հրատարակություն, Երևան, 1984, 193 էջ:

Մարդկային աշխատանքի ինտենսիվացումը վերջին տարիներին դարձել է արդի սոցիալական զարգացման առանձնահատկությունների փոխադասական և սոցիոլոգիական վերլուծության կարևորագույն թևերից մեկը: Ներկա աշխատության մեջ փորձ է արվում, առավելապես փոխադասական և սոցիոլոգիական տեսակետից, սլարգաբանել աշխատանքի ինտենսիվացման էությունը, այդ պրոցեսի սոցիալական և տեխնոլոգիական հիմքերը, հասարակական և անձնային նշանակությունը, աշխատանքի ինտենսիվացման միտումի կողմից ժամանակակից մարդկությանը առաջադրվող խնդիրները:

Դրքում քննարկվում են «մարդ—տեխնիկա» համակարգի պրոբլեմները՝ առավելապես աշխատանքի սուբյեկտի հոգևոր ստեղծագործական զարգացման հնարավորությունների տեսակետից: Բացահայտվում են գիտատեխնիկական հեղափոխության ծավալման պայմաններում աշխատանքի ինտենսիվացումը առանձնահատկությունները և հեռանկարները: Պարզաբանվում է աշխատանքի ինտենսիվացման միտումի սկզբունքներն տարբեր սոցիալական նշանակությունը կապիտալիզմի և սոցիալիզմի օրոք: Գիրքը նախատեսված է փոխադասականների, սոցիոլոգների և ուսանողների համար:

Աշխատության պատասխանատու խմբագիրն է փոխադասական գիտությունների թեկնածու Ի. Մ. Խաչատրյանը:

ԱՆՈՒՇԱՎԱՆ ԶԱՔԱՐՅԱՆ—Ուուս գրողները Անդրկովկասում և հայ գրական կյանքը (1914—1920), «Սովետական գրող» հրատարակություն, Երևան, 1984, 256 էջ:

Մենագրությունը նվիրված է XX դարի տասական թվականների երկրորդ կեսի դեռևս հանգամանորեն չուսումնասիրված հայ-ռուսական գրական կապերին: Հենց այդ տարիներին էր, որ ռուս մշակութային գործիչների հետ շփման մթնոլորտում հասակ էր առնում հայ գրականության և արվեստի այն սերունդը, որը դարձավ ինտերնացիոնալիզմի գաղափարների դրոշակակիրը Անդրկովկասի ժողովուրդների, սովետական ժողովուրդների մեծ ու միասնական ընտանիքում:

Աշխատությունը բաղկացած է ներածությունից, հինգ գլխից և օգտագործած գրականության ցանկից: Մենագրությունում, շրջանառության մեջ գրվող նորահայտ փաստական հարուստ նյութերով, ներկայացվում է ռուս գրողներ Վ. Բրյուսովի, Ս. Գորոդեցկու, Վ. Կամենսկու, Ի. Սևերյանինի, Կ. Բալմոնտի, Յ. Սոլոգուբի, Ա. Կուպրինի, Բ. Լազարևսկու, Պ. Սիբիրցևի, Ի. Իվնեի, Ի. Էրենբուրգի և ուրիշների գրական-հասարակական գործունեությունն Անդրկովկասում, փոխադասությունները հայ մտավորականության, գրական-մշակութային կյանքի հետ: Այդ առումով էլ գիրքը գալիս է լրացնելու և ամբողջացնելու հայ-ռուս ժողովուրդների բարեկամության և գրական աղբյուրների մի շատ ուշագրավ էջ: